

¶ Tandem Pius Quintus in fine Bullæ Cōfirmationis priuilegiorū mendicantiū, post quā denouo concessit fratribus mendicantibus sua omnia priuilegia, addit, etiam si priuilegiorum & aliarum gratiarum præfatorum auctētica originalia, propter temporis antiquitatē vel varias Urbis ruinas de perdita existant dummodo de eis legitime alias constet, denouo concedimus, extendimus, & ampliamus. Hæc velut præludia sunt ad cætera.

✻ Absoluere & Absolutio. ✻

¶ MINISTRI Generales & Prouinciales ordinum mendicantium, prioresq; conuentuales, atq; Guardiani possunt fratres suos absoluere ab omni censura Ecclesiastica scilicet ex cōmunicatione, suspensione, & interdicto à iure vel à iudice generaliter promulgata, etiam si essent excōmunicationes de cæna Domini. Hoc concessit Clemens. 4. & postea Iulius. 2. confirmauit eandem concessionem ad petitionem reuerendissimi Caietani, anno. 1510. Et decreuit quod perpetuo duraret